

**FRAMKVÆMDARREGLUGERÐ FRAMKVÆMDASTJÓRNARINNAR
(ESB) 2020/714****2020/EES/62/08****frá 28. maí 2020****um breytingu á framkvæmdarreglugerð (ESB) 2020/466 að því er varðar notkun á rafrænum gögnum við framkvæmd opinbers eftirlits og annarrar opinberrar starfsemi og gildistíma tímabundinna ráðstafana (*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (ESB) 2017/625 frá 15. mars 2017 um opinbert eftirlit og aðra opinbera starfsemi sem miðar að því að tryggja að lögum um matvæli og fóður og reglum um heilbrigði og velferð dýra, plöntuheilbrigði og plöntuverndarvörur sé beitt og um breytingu á reglugerðum Evrópuþingsins og ráðsins (EB) nr. 999/2001, (EB) nr. 396/2005, (EB) nr. 1069/2009, (EB) nr. 1107/2009, (ESB) nr. 1151/2012, (ESB) nr. 652/2014, (ESB) 2016/429 og (ESB) 2016/2031, reglugerðum ráðsins (EB) nr. 1/2005 og (EB) nr. 1099/2009 og tilskipunum ráðsins 98/58/EB, 1999/74/EB, 2007/43/EB, 2008/119/EB og 2008/120/EB og um niðurfellingu á reglugerðum Evrópuþingsins og ráðsins (EB) nr. 854/2004 og (EB) nr. 882/2004, tilskipunum ráðsins 89/608/EBE, 89/662/EBE, 90/425/EBE, 91/496/EBE, 96/23/EB, 96/93/EB og 97/78/EB og ákvörðun ráðsins 92/438/EBE (reglugerð um opinbert eftirlit) ⁽¹⁾, einkum 1. mgr. 141. gr.,

og að teknu tilliti til eftirfarandi:

- 1) Í reglugerð (ESB) 2017/625 er m.a. mælt fyrir um reglur um framkvæmd lögbærra yfirvalda aðildarríkja á opinberu eftirliti og annarri opinberri starfsemi. Með henni er framkvæmdastjórninni einnig veitt vald til að samþykkja, með framkvæmdargerð, viðeigandi tímabundnar ráðstafanir sem eru nauðsynlegar til að halda í skefjum áhættum fyrir heilbrigði manna og dýra og plöntuheilbrigði og velferð dýra ef hún hefur sannanir fyrir alvarlegri röskun á eftirlitskerfi aðildarríkis.
- 2) Til að takast á við hinar sérstöku aðstæður vegna yfirstandandi hættuástands í tengslum við kórónaveirusjúkdóminn (COVID-19) gerir framkvæmdarreglugerð framkvæmdastjórnarinnar (ESB) 2020/466 ⁽²⁾ aðildarríkjum kleift að beita tímabundnum ráðstöfunum í tengslum við opinbert eftirlit og aðra opinbera starfsemi. Samkvæmt þeirri framkvæmdarreglugerð er unnt að inna opinbert eftirlit og aðra opinbera starfsemi með opinberum vottorðum og opinberum staðfestingum af hendi á rafrænu afriti af slíkum vottorðum eða staðfestingum, með fyrirvara um tiltekin skilyrði.
- 3) Til að tryggja snurðulaus viðskipti ætti að koma skýrt fram að opinbert eftirlit og önnur opinber starfsemi megi fara fram með afriti af frumriti vottorðanna eða staðfestinganna sem hefur verið lagt fram með tilteknum rafrænum hætti. Auk þess ætti að koma skýrt fram að skyldan um að leggja fram frumrit þessara skjala um leið og það er tæknilega mögulegt gildir ekki þegar opinbert eftirlit og önnur opinber starfsemi fer fram á grundvelli rafræna gagna sem eru gerð og lögð fram með Traces-kerfinu.
- 4) Sum aðildarríki hafa upplýst framkvæmdastjórnina og önnur aðildarríki um að alvarleg röskun á starfsemi eftirlitskerfa þeirra í ljósi hættuástandsins í tengslum við COVID-19 og erfiðleikarnir við að inna af hendi opinbert eftirlit og aðra opinbera starfsemi haldi áfram fram yfir 1. júní 2020. Til að takast á við þessa alvarlegu röskun og til að auðvelda skipulagningu og framkvæmd opinbers eftirlits og annarrar opinberrar starfsemi meðan hættuástandið í tengslum við COVID-19 stendur yfir ætti að framlengja gildistíma framkvæmdarreglugerðar (ESB) 2020/466 til 1. ágúst 2020.
- 5) Því ætti að breyta framkvæmdarreglugerð (ESB) 2020/466 til samræmis við það.
- 6) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um plöntur, dýr, matvæli og fóður.

(*) Þessi ESB-gerð birtist í Stjttíð. ESB L 167, 29.5.2020, bls. 6. Hennar var getið í ákvörðun sameiginlegu EES-nefndarinnar nr. 88/2020 frá 18. Júní 2020 um breytingu á I. viðauka (Heilbrigði dýra og plantna) og II. viðauka (Tæknilegar reglugerðir, staðlar, prófanir og vottun) við EES-samninginn (bíður birtingar).

⁽¹⁾ Stjttíð. ESB L 95, 7.4.2017, bls. 1.

⁽²⁾ Framkvæmdarreglugerð framkvæmdastjórnarinnar (ESB) 2020/466 frá 30. mars 2020 um tímabundnar ráðstafanir til að halda í skefjum áhættum fyrir heilbrigði manna og dýra og plöntuheilbrigði og velferð dýra við tiltekna alvarlega röskun á eftirlitskerfum aðildarríkjanna vegna kórónaveirufaraldursins (COVID-19) (Stjttíð. ESB L 98, 31.3.2020, bls. 30).

SAMÞYKKT REGLUGERÐ ÞESSA:

1. gr.

Framkvæmdarreglugerð (ESB) 2020/466 er breytt sem hér segir:

1) Í stað 4. gr. kemur eftirfarandi:

„4. gr.

1. Í sérstökum undantekningartilvikum er heimilt að opinbert eftirlit og önnur opinber starfsemi varðandi opinber vottorð og opinberar staðfestingar fari fram:

- a) á afriti af frumriti slíkra vottorða eða staðfestinga sem er gert aðgengilegt á rafrænu formi, að því tilskildu að einstaklingurinn sem ber ábyrgð á framlagningu opinbera vottorðsins eða opinberu staðfestingarinnar leggi fram yfirlýsingu hjá lögbæru yfirvaldi til staðfestingar á að frumrit opinbera vottorðsins eða opinberu staðfestingarinnar verði lagt fram um leið og það er tæknilega mögulegt eða
- b) á rafrænum gögnum úr slíkum vottorðum eða staðfestingum ef slík gögn eru gerð og lögð fram af lögbæra yfirvaldinu með Traces-kerfinu.

2. Þegar opinbert eftirlit og önnur opinber starfsemi, sem um getur í 1. mgr. þessarar greinar, eru innt af hendi skal lögbært yfirvald taka tillit til áhættu sem fylgir því ef hlutaðeigandi dýr og vörur eru ekki í samræmi við tilskilin ákvæði og fyrri ferils rekstraraðila að því er varðar útkomu úr opinberu eftirliti sem viðhaft var með þeim og fylgni þeirra við reglurnar sem um getur í 2. mgr. 1. gr. reglugerðar (ESB) 2017/625.“

2) Í stað annarrar málsgreinar 6. gr. komi eftirfarandi:

„Hún gildir til 1. ágúst 2020.“

2. gr.

Reglugerð þessi öðlast gildi á þriðja degi eftir að hún birtist í *Stjórnartíðindum Evrópusambandsins*.

Hún kemur til framkvæmda frá og með 2. júní 2020.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 28. maí 2020.

Fyrir hönd framkvæmdastjórnarinnar,

Ursula VON DER LEYEN

forseti.
